



CONCELLO DE POIO

Ref: MC (Secretaría)

ACTA DA SESION ORDINARIA, NÚMERO CATROCENTOS CINCUENTA REALIZADA POLO PLENO DESTA CORPORACION O DÍA VINTE E NOVE DE MARZO DE DOUS MIL ONCE.

Na Casa Consistorial de Poio, ás dezanove horas e trinta e cinco minutos do día vinte e nove de marzo de dous mil once, baixo a presidencia do Sr. Alcalde D. Luciano Sobral Fernández e coa asistencia dos Concelleiros D. Xulio Barreiro Lubián, D^a. M^a Luz Senra Lorenzo, D. Xose L. Martínez Blanco, D^a. Silvia Díaz Iglesias, D. Francisco Piñeiro Murillo, D^a. Margarita Caldas Moreira, D^a. Consuelo Besada Lores, D. Gregorio L. Agís Gómez, D^a. Rosa Fernández González, D. Javier Domínguez Lino, D^a. Celeste Nieto García D. Alberto Villaverde Méndez, D. Angel Moldes Martínez, D^a. Irene Ligerio Iglesias, D. Miguel A. Martínez Nacemento e D. Manuel Domínguez Álvarez; actuando como Secretario o do Concello D. Jacobo Barreiro Pimentel asiste como interventora D^a. Olga Fernández Rodríguez. Reuníronse en primeira convocatoria para realizar a sesión ordinaria correspondente ó día de hoxe e para a que foron previamente citados en tempo e forma. Pola Presidencia declárase aberta a sesión, para tratar os asuntos que figuran na Orde do Día.

3503.- APROBACIÓN ACTA ANTERIOR DO 22 DE FEBREIRO DE 2011 E 10 DE MARZO DE 2011.- De conformidade co disposto no artigo 91.1 do Real Decreto 2568/1986, do 28 de novembro, de organización, funcionamento e réxime xurídico das entidades locais, dáse conta á corporación das actas anteriores das sesións ordinaria e extraordinaria urxente realizadas o 22/03/2011, núm. 448 e do 10/03/2011, núm. 449, as que quedan aprobadas por unanimidade.

3504.- ESTADO DE EXECUCIÓN DOS ASUNTOS PRECEDENTES.- Dáse conta á corporación do estado de execución dos asuntos precedentes e que son os que seguen: "3485.- ALCALDÍA, CONVENIO DE ADHESION AO FONDO GALEGO DE COOPERACIÓN E SOLIDARIEDADE.- Uniuse certificación do acordo ao expediente e remitiuse ao Fondo Galego de Cooperación e Solidariedade; 3486.- PATRIMONIO, APROBACIÓN DESAFECTACIÓN DEFINITIVA DO CENTRO DE SAÚDE DE ANAFANS.- Uniuse certificación do acordo ao expediente e remitiuse ao Rexistro da Propiedade para a súa inscricion como Ben Patrimonial de Propios; 3487.-

SERVIZOS SOCIAIS, MODIFICACIÓN DA ORDENANZA REGULADORA DO SERVIZO DE AXUDA NO FOGAR DO CONCELLO DE POIO.- Uniuse certificación do acordo ao expediente, remitiuse e publicouse anuncio no Boletín Oficial da Provincia; 3488.- INTERVENCIÓN/TESOURERÍA, INFORME CUMPRIMENTO LEI 15/2010 DE 5 DE XULLO DE MEDIDAS CONTRA A MOROSIDADE.- Uniuse certificación do acordo ao expediente e deuse traslado do expediente á Intervención Municipal; 3489.- INTERVENCIÓN, RECOÑECEMENTO EXTRAJUDICIAL DE CRÉDITO NÚM. 1- Uniuse certificación do acordo do expediente e deuse traslado do expediente á Intervención Municipal; 3490.- PARIMONIO, RATIFICACION DO ACORDO ADOTADO POLA XGL NA SESIÓN DO 26 DE XULLO DE 2010, DE DESAFECTACIÓN PARCIAL DA ZONA DOMINIO PÚBLICO MARÍTIMO TERRESTRE DO LUGAR DA REIBOA.- Uniuse certificación do acordo ao expediente e remituse ao Servizo Provincial de Costas en Pontevedra; 3491.- MOCIÓNS, DO BNG CONTRA A PRIVATIZACIÓN DAS CAIXAS DE AFORRO.- Uniuse certificación do acordo ao expediente e remitiuse ao Ministerio de Economía y Hacienda e á Consellería de Facenda; 3492.- MOCIÓNS, DO PP PARA QUE SE CORRIXAN AS DEFICIENCIAS DO SERVIZO DE AXUDA NO FOGAR.- Uniuse certificación do acordo ao expediente e procedeuse ao seu arquivo; 3493.- INTERVENCIÓN, MODIFICACIÓN PRESUPOSTARIA NÚM. 2/2011, CRÉDITO EXTRAORDINARIO FINANCIADO CON BAIXAS.- Uniuse certificación do acordo ao expediente, remitiuse e publicouse anuncio no Boletín Oficial da Provincia; 3494.- INTERVENCIÓN, MODIFICACIÓN PRESUPOSTARIA NÚM. 3/2011, SUPLEMENTO DE CRÉDITO FINANCIADO CON BAIXAS.- Uniuse certificación do acordo ao expediente, remitiuse e publicouse anuncio no Boletín Oficial da Provincia; 3495.- MOCIÓN CONSENSUADA EN RELACIÓN AO 8 DE MARZO, DÍA INTERNACIONAL DA MULLER.- Uniuse certificación do acordo ao expediente e remitiuse á Consellería de Traballo e Benestar e ao Ministerio de Sanidad, Política Social e Igualdad; 3496.- MOCIÓN DO GRUPO MUNICIPAL DO BLOQUE NACIONALISTA GALEGO SOBRE A SITUACIÓN DO CEIP DE CHANCELAS.- Uniuse certificación do acordo ao expediente e remitiuse á Consellería de Educación e Ordenación Universitaria; 3497.- MOCIÓN DOS GRUPOS MUNICIPAIS DO BNG E PSOE EN RELACIÓN COA MELLORA NA SEGURIDADE VIAL NA PO-308.- Uniuse certificación do acordo ao expediente e remitiuse á Consellería de Medio Ambiente, Territorio e Infraestruturas; 3498.- MOCIÓN DOS GRUPOS MUNICIPAIS DO BNG E DO PSOE EN RELACIÓN COA POSTA EN MARCHA DA EDAR.- Uniuse certificación do acordo ao expediente e remitiuse á Consellería de Medio Ambiente, Territorio e Infraestruturas; 3499.- MOCIÓN DO GRUPO MUNICIPAL DO PSOE EN RELACIÓN COAS AXUDAS DOS/AS TRABALLADORES DO MAR.- Uniuse certificación do acordo ao expediente e remitiuse á Consellería do Mar; 3501.- APROBACIÓN INICIAL ORZAMENTO XERAL CORRESPONDENTE AO EXERCICIO 2011.- Uniuse certificación do acordo ao

expediente, remitiuse e publicouse anuncio no Boletín Oficial da Provincia; 3502.- CONTRATACIÓN, APROBACIÓN EXPEDIENTE PARA A XESTIÓN DO SERVIZO PÚBLICO DE AXUDA NO FOGAR (SAF) NO CONCELLO DE POIO.- Uniuse certificación do acordo ao expediente."

A Corporación dáse por enterada.

3505.- DAR CONTA DAS RESOLUCIÓNS DA ALCALDÍA DESDE O ÚLTIMO PLENO ORDINARIO.- Polo secretario presente na sesión dáse conta das resolucións da alcaldía desde o último pleno ordinario e que estiveron a disposición dos/as concelleiros/as xunto cos demais asuntos que figuran na orde do día. A corporación dáse por enterada

3506.-INTERVENCIÓN, SOLICITUDE DE BONIFICACIÓN IMPOSTO DE CONSTRUCIÓNS, INSTALACIÓNS E OBRAS. EXP. 154/10.- Dáse conta á corporación do expediente tramitado inicio a instancia de D. Emigdio Gómez Fuentes presentada no Rexistro Xeral do Concello o 05 de maio de 2010 no que solicita a concesión dunha bonificación do 95% do Imposto de Construcións e Obras para a realización das obras nunha edificación sita en avda. Da Cruz, 20 na parroquia de Combarro. Consta no expediente informe favorable de data 10 de marzo de 2011 emitido pola Intervención Municipal.

Con data 15 de marzo de 2011 sométese o expediente a consideración da Comisión Informativa de Facenda, Gobernación e Contas a que emite informe favorable.

Non subscitándose debate ningún o Pleno da Corporación por unanimidade de asistentes aproba o ditame emitido pola Comisión Informativa adoptándose o seguinte acordo:

Primeiro: Aprobar a bonificación do 95% nas cotas do ICIO correspondente ao expediente de urbanismo 154/2010, de Emigdio Gómez Fuentes e que se proceda por parte dos Servizos Económicos a liquidación do 5% do orzamento.

Segundo: Notificar o presente acordo ao solicitante con indicación dos recursos que procedan, departamento de Intervención e Tesourería Municipal e Departamento de Urbanismo.

3507.- PATRIMONIO, APROBACIÓN RECTIFICACIÓN INVENTARIO DE BENS DO EXERCICIO 2009.- De conformidade co disposto no artigo 82 do Real decreto 2568/1986, do 26 de novembro, de organización, funcionamento e réxime xurídico das entidades locais sometido a votación a ratificación da inclusión do asunto na orde do día por non ser ditaminado

previamente por comisión informativa ningunha esta quedou aprobada por unanimidade de votos dos membros presentes.

Polo Sr. Secretario presente na sesión dáse conta do expediente tramitado co motivo da aprobación da rectificación do Inventario Municipal de Bens correspondente ao exercicio 2009 iniciado a proposta da alcaldía de data 17 de febreiro de 2011 no que se consigna que se realicen as oportunas alteracións durante o exercicio 2009, tanto en aumentos como en baixas, determinando o patrimonio líquido.

Incorpórase ao expediente resumo das altas e baixas producidas no devandito patrimonio co seguinte resultado: **Activo:** Aumentos bens inmobles (epígrafe 1) 660.248,29 €, aumentos vehículos (epígrafe 5) 11.977,21 €. Baixas bens inmobles (Epígrafe 1) 0 € Baixas vehículos (Epígrafe 5) 3.906,58 € **Pasivo:** Aumentos 2009: 1.265.000 € Baixas: 2009: 530.371,43 €. **Suma Activo a 31.12.2009:** 9.503.774,26 € **Suma Pasivo a 31.12.2009:** 9.018.368,74 € **Diferencia patrimonio Líquido a 31.12.2009:** 485.405,52 €.

Consta no expediente informe xurídico do Secretario Xeral de data 25 de marzo de 2011 así como proposta da alcaldía de data 25 de marzo de 2011 de aprobación do expediente formada pola Unidade de Patrimonio así coma da remisión dunha copia íntegra do mesmo á Administración do Estado e da Comunidade Autónoma.

Non subscitándose debate ningún a Corporación por unanimidade dos membros presentes na sesión acordou aprobar o expediente de rectificación do Inventario de Bens correspondente ao exercicio 2009 adoptándose o seguinte acordo:

Primeiro: Aprobar a rectificación do Inventario Municipal de bens e dereitos pertencentes a este Concello, referidos ao periodo entre o 01/01/2009 ao 31/12/2009 nos termos que figuran no resumos que consta no expediente.

Segundo: Remitir copia íntegra do mesmo á Administración do Estado e da Comunidade Autónoma.

MOCIÓNS URXENTES, ROGOS, PREGUNTAS E INTERPELACIÓNS.

ROGOS, PREGUNTAS E INTERPELACIÓNS.

E non habendo máis asuntos que tratar, polo Sr. Alcalde levántase a sesión ás vinte horas e corenta e cinco minutos, da que se redacta a presente acta, de todo o que eu, Secretario xeral, dou fe.